



秋岩詩集序

秋岩詩集三卷碧梧軒吟其隴中人也蘊香閣詩鈔于歸後作也恤也則夫亡子喪時作也其里居世系之雋過之艱則秋岩弟餐霞序香雪時明府題於後詳哉其



無庸余贅序顧余有不能已於言者竊維詩者持也持其志於順境易於逆境難秋岩幼失怙能讀父書于歸後克相夫子觀其咏物讀史諸作古澹閒遠和姊父寅亭寄良人醒堂及諸姑伯姊間贈答之詞春容蘊藉可謂

和而不流者矣醒堂沒後不數年予可觀
繼亡以斯人也具斯才也豈能作太上之
忘情者獨以姑嫜在強顏為歡不敢以
崩城之哭喪明之痛形諸面以益北堂
悲恤緯吟一篇淒_々愴_々如怨如慕如泣
如訴而要_々不乖於怨而_々不怒之旨謂非善

持其志者歟抑又聞之序者緒也余少
孤賴母教成立香芹甫掇庭萱遽_々萎
倖邀一命之榮不獲捧輿以侍壬午秋
寫寒燈課讀圖以誌痛秋岩族孫張
訥齋余分校時所薦士也見之携余母行
述歸為秋岩述其事秋岩為擬樂府一

篇其自悲以悲余母歟抑鳴余母之德
即以自鳴其德歟余感其意為索其
全集命門人高麟臺積階校其謄
舛付諸梓而為之序

書

道光五年歲在乙酉季春月立夏前

李若詩集序

三

三日古黔李若琳書於犁邱之槐雲
書屋



秋岩詩稿原敘

秋岩姓郝氏名簞適張氏先君鏡亭先生次女余姊也少穎悟於書無所不讀及長尤肆其力於詩當初命筆超然名雋脫盡塵俗氣迨後更受教於外祖母之弟宋相梟先生家寅亭叔父詩境乃益進今之所存碧梧軒吟稿其閨中之作蘊香閣詩鈔則于歸後之所著也夫詩以言志歌以永言自三百篇肇爲風始而關雎一篇卽出於宮人之作自茲以降代不乏人安世房中之曲

班姬團扇之詞尤其掩映古今彪炳宇宙者哉則女子

秋岩詩稿

原序

能詩蓋天性然矣漢氏道衰風流代喪溯風匹雅著作無聞然猶文姬垂淚於胡笳花蕊揚徽於宮闈易安淑眞表於有宋畢著蔡琬煥乎本朝賢媛名姝指不勝屈彼豈嘗執筆學爲如是之詩哉動於所不能已發於所不自知故其言多藹然從肺腑流出不假雕飾自具風華昔固然也余姊之詩余不敢譽然其言近指遠發情止禮自然流露純寫性靈則有不愧於古人者其亦有得於風雅之遺而庶幾足附於昔賢之後與姊素戒播揚故人少知者余懼其遂致湮沒且或傳者未必佳而

佳者又未必傳也因為簡次錄爲一編並贅數言弁於
簡首識者覽之諒不謂阿其所好云是爲敘時

嘉慶二十有四年孟夏五日弟答餐霞氏書於槐蔭軒

秋岩詩稿

原序

二



碧梧軒吟稿卷一

黔中李淇貧先生鑒定

古祝阿郝

雙秋岩氏

胞弟郝

答餐霞編次

濟陽高積階麟臺校錄

秋桐

開窗望秋月坐對雙梧影斜風自西來落葉滿金井百尺樓鳳幹榮落在俄頃忽憶淵明詩悚然發深省

秋夜

秋屋捲竹簾沉沉聞夜漏碧天無片雲月色皎如晝散

碧梧軒吟稿

卷一

步閒階上風寒憐菊瘦採採黃金英清香滿衣袖

大風霧歌

乍覺堂中寒氣驕忽驚屋角狂風號大木欹斜屋瓦墜平地如聞滄海濤撲面驚沙兼黃霧廣庭黯黯如昏暮聖代應無孝婦冤新春何事陰陽怒聞道西南猶戰爭烽煙斷絕衡襄路雲外縱橫蚩尤旗軍中蕭索將軍樹造物威靈那可知霧消風定會有時卽看皓月當空照玉宇無塵天四垂

題桃花扇樂府

帷幄何人秉國鈞一年歌舞海揚塵南朝自古風流地
惟有傷心史道隣

紅粉青娥勝六朝朱樓日暖教吹簫柳枝飄泊桃根嫁
冷落秦淮舊板橋

平原春日寄家兄竹林

卧病寒天不勝衣經冬久與雁行違東風綠遍王孫草
陌上看花緩緩歸

清時豪客競彈冠宦海應知歸棹難季子幸餘田二頃
無須車馬入長安

碧梧軒吟稿

卷一

桃花四首次寅亭叔父韻

濃華灼灼幾株同可愛深紅間淺紅綺萼紛披新雨後
錦英爛熳夕陽東種來不借嫦娥月飛去應須少女風
竹外數枝春水暖驚人妙句憶坡翁

滿目韶華燦小園柔枝低亞絳英繁涓涓曉露微含泣
脈脈春愁不解言飛蝶時隨紅雨散落霞常共錦波翻
吾鄉風景足吟賞何必武陵尋水源

臨池依井不成行簇簇濃華取次芳蘸水幾年紅頰潤
驂鸞何處綠雲香元都舊事難回首紫府新聲易斷腸

莫負三春好時節共將脂粉試明妝

一色輕紅照暮春垂垂籬外最宜人仙妃車過新鋪錦
倩女魂歸不動塵好句有情吟曉日姪枝無力嬋芳辰
村梅謝盡東風晚留得梨花作比隣

題月下垂綸圖

簞笠垂綸傲五侯浴鳧飛鷺共悠悠五湖烟水三秋月
蘆荻花中一葉舟

春閨詞

芳草綠生烟桃花紅作雨湘簾不上鈎蝴蝶夢中舞

碧梧軒吟稿

卷一

三

杏花二首次寅亭叔父韻

芳甸悠揚少女風夜來新綻杏花叢不施朱粉東牆外
輕剪紈綃北園中一段韶華唯我愛三春幽恨與誰同
濡毫欲和江東句自笑酸吟似草蟲

海洲仙鳥路茫茫獨向分流飢寶漿一夜東風飛絳雪
幾年南燕話離腸果中勝味兼青李水面橫枝拂綠楊
最愛廉纖春雨霽紅英爛熳襯斜陽

梨花四首次寅亭叔父韻

濃春桃李繞蘭堂又見冰綃點曙光乍對靚妝開倦目

更憐皓影動吟腸分將明月三更魄乞得寒梅一瓣香
總向陽春留白雪應嫌飛絮太輕狂

落落長妝脫絳紅嬌姿羞說宋家東可知素影深宜月
似有清香不借風別院春闌黃鳥語閒階雨過碧煙籠
一枝欲贈姑山客渺渺雲程路未通

碧裙素袖映朝暉舞雪佳人玉一圍滿院綠苔春寂寂
繞枝粉蝶曉飛飛已將舊夢同雲散似覺新妝與世違
莫向花前頻悵望他時難得是芳菲

含煙帶露送殘春曉翠依依竹作隣一夜驚看花落雪
碧梧軒吟稿 卷一
四
幾時重見浪翻銀誰家班管聯新句何處清樽宴舊賓
三月飛英千古事獨將惆悵付閒人

李花二首次寅亭叔父韻

穠華楚楚可憐生萬朵葦綃初剪成無語似悲春晚晚
有情應愛月晶瑩幾時朱果安陽殿何處黃中王母城
最喜年年溪水上一枝常是隔烟明

不與緋桃競豔光燕釵獨作漢宮妝經時脈脈情何許
鎮日垂垂影亦香那有詩才追謝女漫將錢癖笑和郎
神仙博戲偶然事勝負無須問紫陽

冬雪歌呈水村叔父

重雲黯黯掩朝霞北風颯颯飛瓊花窗寒硯凍罷塗鴉
紅爐活火烹新茶烹新茶酌美酒太尉豪奢今何有古
來餐雪共幾人惟有陶家名不朽百感交胸臆長歌懷
安石安石不爲蒼生出獨坐空齋愁兀兀七字清吟思
娛翁六里泥塗不可越

偶成二首

蒼莽西南路鯨鯢未易除烽連千里戍糧動九年儲錯
落黃金甲縱橫白羽書王師無戰鬥馬革痛何如

碧梧軒吟稿

卷一

五

鼙鼓震三楚干戈經六春舊時周赤子今日漢黃巾
氣遙連蜀狼煙久逮秦青齊太平地還仗使君仁

聞九弟將入省觀劇有感

濟南名勝地絃管樂秋風誰識兵戈苦共憐歌舞工黃
巾猶肆暴朱儁未成功雲夢澤邊骨魂歸明月中

六月六日遊北園三首

斜日園林霽色開下輿隨意步莓苔衆人怪我羅衫濕
纔向清波盥手來

徘徊林下西復東小憩偏當習習風幾樹垂楊飄翠帶

蟬聲斷續夕陽中

老樹參差覆小亭
雨餘草色入簾青
胡牀移坐東窗下
風葉流泉盡可聽

新栽牡丹

一簇香芽帶雨鮮
合泥移至小堂前
柔枝未到濃華日
楚楚丰姿亦可憐

新柳

睨睨幽簧乍轉鶯
長條搖曳曉風輕
一灣春水清如鏡
學畫蛾眉猶未成

碧梧軒吟稿

卷一

六

買得泥美人以菊花置其裙下戲成

白髮紅顏相迭更
憐君玉貌月長明
弓鞋踏菊姍姍立
應勝蓮花步步生

玉貌亭亭掌上身
藉花羅襪不生塵
若教解語應多事
脈脈無言自可人

海棠二首

紅蕊垂垂脂色輕
玉奴睡起髻釵橫
珠簾曉捲霏霏雨
綽約嬌姿看不明

閒階雨霽曉烟微
一片紅雲濕不飛
彷彿湘江逢帝子

淚痕滴遍六銖衣

梅花

竹外橫枝蘸野塘
垂垂素蕊潔於霜
月明淺水渾無影
雪滿深林別有香
玉骨常留傲寒致
冰姿不作入時妝
東風莫笑矜高格
爲占新春第一芳

夏日卽事

碧海雲濃日上遲
終朝常是雨絲絲
銀鑪茶沸人初起
金鴨香霏簾正垂
好菊新栽八九種
嬌荷始放兩三枝
蒼苔匝地書連屋
門外炎涼總不知

碧梧軒吟稿

卷一

七

早發平原

時外祖母新捐館

孤城夜未央
相送出華堂
朔氣侵征幟
寒星覆女牆
香車今日返
蕙帳昔人亡
追憶初來事
中懷倍感傷
促駕離城郭
匆匆登古原
車聲撼月影
馬跡破霜痕
犬吠松間屋
雞鳴水外村
紙窗深見火
野老未開門
軋軋車行久
遙空見海暎
晴光籠草木
曙色變乾坤
烏鵲寒初噪
清溪凍不翻
舉帷回首望
已失古平原

雪夜

積雪滿中庭
寒光冷畫屏
撥灰添獸炭
歌枕閱茶經
人

似梅花瘦燈如豆子青夜深斜月霽竹影上窗櫺

琴

綠綺名原貴清風與自深無妨彈古調何必有知音

硯

畫閣伴清吟芸窗每夜深惟茲一片石知我萬重心

春曉

曉漏驚殘夢東隅日已新捲簾花拂戶開牖鳥窺人南
浦生新草西塘長舊蘋徘徊香閣上回憶雪飛晨

題舅外祖宋湘臯先生新居

碧梧軒吟稿

卷一

八

三徑郊原外春深事事幽輕風翻晚燕夕照下歸牛屋
角青烟合門前碧水流桃源難勝此何必武陵遊

垂楊

紫陌春風拂碧絲臨歧折贈一枝枝行人自慣生惆悵
未必垂楊管別離

供菊

籬邊叢菊正離披月光中折一枝斜插磁瓶供清賞
淡妝瘦影兩相宜

夏日

斜風細雨送微涼
簾幕沉沉夏日長
棋本怡情輸亦喜
詩惟寫意拙何妨
翠篁聲裏琴三疊
紅芰香中酒一觴
逸興無窮天欲暮
更看霽月下迴廊

曉起

晨鐘驚斷北窗眠
散步先來小閣前
茉莉花開香帶露
芭蕉葉展翠凝烟
綠陰黃鳥晴初滑
碧水紅蕖曉最妍
三萬六千知幾許
爾今且喜是青年

春柳

幾回眠起影離離
芳草斜陽繫夢思
白雪英華空汗漫
碧梧軒吟稿

卷一

九

春風眉黛苦低垂
枝柔翠羽憐今日
色嫩黃金憶昔時
可奈匆匆寒食過
秋千架畔雨如絲

讀史

鄴架牙籤信手開
英雄竹帛半塵埃
時來屠狗亦王佐
事去臥龍非將才
金馬功名托諧謔
長沙心力寄悲哀
悠悠得失休重論
千古昆明有劫灰

讀大兄元宵觀燈詩戲題

處處燈光鬥月光
踏歌聲裏綺羅香
何須讀竟梅花賦
始覺廣平非石腸

夏日雜作

灑掃蘭堂日幾回繡窗書案淨無埃竹簾一桁長垂地
不許青蠅入戶來

一色濃雲四野垂
雨餘正是養花時
平生最愛金英菊
移得隣家四五枝

好雨初收日未晴
綠槐庭院午風清
北窗一枕華胥夢
忘却新蟬嘒嘒聲

九折桃笙六尺牀
侍兒移向月中央
枕肱獨臥看花影
竹露荷風生夜涼

碧梧軒吟稿

卷一

棋

靜坐焚香調古琴
簾垂畫閣晝沉沉
無端又競棋中勝
猶是人間得失心

海棠花下玩月

春深枝似錦夜靜砌如雪
坐對海棠花心憐銀漢月
經年花始新隔夜月應缺
欲把一枝歸惜與清輝別

花朝曉望

露滿芳郊晨色清
參差花木艷新晴
權籬日暖桃霞重
綺陌風微柳浪輕
千里曉烟凝草碧
一灣春水隔林明

秦人雞犬知何處目極遠山螺黛橫

玉簪花

閒階雨過月斜明欄外搔頭亂玉橫手把一枝聊佇立
重憐傾國與傾城

立秋夜

日月逝如流人間又早秋風凋桐葉下露浥桂香浮雲
歛水輪潔涼生暑氣收何須更秉燭夜色正堪遊

秋村卽景

簾捲西風秋氣涼小村景物澹斜陽山從雨後新添翠

碧梧軒吟稿

卷一

七

菊到秋深別有香一抹碧烟依靜渚幾林紅葉醉清霜
雲邊鴻雁翩翩去亦向人問謀稻粱

飲馬池懷古

君不見淮陰韓侯東出征平魏破趙天下驚功名未肯
讓伏軾喋血強齊七十城一代英雄付逝水千年遺恨
留青史破敵收城遽自王鍾室之禍從茲始君王納諫
如轉轂相國愛才終反覆王孫一去不重來池邊春草
年年綠

月夜

碧天雲歛月舒波空際聲聲鴻雁過閒步中庭看竹影
風流千載憶東坡

雜題二首

睡鴨香爐裊篆煙垂簾獨坐靜如禪晴窗斜日移槐影
細讀南華第一篇

繞榻屏風畫翠巒峯巖缺處老松蟠何須杖履穿雲去
佳境常從枕上看

雁二首

縹緲雲天秋路長高飛幾日到衡陽哀鳴莫近條侯壘

碧梧軒吟稿

卷一

三

多少征人欲斷腸
帶月宵征霜滿衣有時一下釣魚磯稻粱多處網羅在
飲啄還須着意飛

哭三妹二首

一夕芙蓉萎玉霜十洲何處返魂香宋家姊妹無多在
又向西風慟雁行

宜室宜家總莫論孤墳寂寞倚桃根斜陽秋樹迷離影
何處亭亭倩女魂

春雪奉和大兄二首

夜來紙窗明疑是雲間月侵晨開畫簾滿院梨花雪樓閣玉相映極目皓以潔千家共素暉靜者獨怡悅
近來詩興頽唐甚偶對佳章倦眼開造次揮毫無好句
聯吟深愧謝家才

晚晴

瀟瀟暮雨收雲霽烟霄爽綠樹生晚涼新蟬送清響芙蓉
葉自捲舒蛺蝶紛來往欣欣萬物榮及時且歡賞

雨歇

雨歇簾櫳外閒庭暮色幽樓高先得月質弱不禁秋露

碧梧軒吟稿

卷一

三

冷蟬聲咽雲寒蝶夢愁夜深人半臥倚柱看螢流

秋曉

遲遲幽夢覺復着故衣裳窗日晴猶淡簾風颯已涼曉
鬢梳舊綠秋菊折新黃灑掃焚香坐人間清晝長

閔邱抄諸蒙古王公 祝觀之時川帥勒大將軍

奏生擒教匪首逆王三槐內外臣僚蒙恩渥厚作

絕句二首以誌喜

五雲高處 紫宸開萬國夷王稱壽杯一紙奏章 天

子悅將軍生獻王三槐

王師剪暴一方安 鳳詔新頒 帝澤寬遙想軍營受
恩曰呼聲振地萬人歡

白菊二首

淡淡丰姿冉冉香 一枝籬落傲秋霜 壽陽公主如相見
反覺梅花是艷妝
陸氏庭中次第開 延年一種出羣材 冷香瘦影清幽甚
移去真須月裏栽

卽事

鳴蟬斷續送幽音 寄迹人寰地自深 簾影微開風習習
碧梧車吟稿

卷一

四

牆陰不動晝沉沉 臨池洗硯苔侵手 繞砌玩花香滿襟
學作短詩無定格 偶然興至又成吟

月夜

中庭人靜獨盤桓 心愛良宵興未闌 滿地黃花秋色晚
一輪素月夜光寒 仰看朔雁凌雲過 閒取虞琴就竹彈
清露沾衣羅袖冷 欲眠更倚玉欄杆

瓶中菊花

陶令東籬舊有名 膽瓶相對似含情 影斜玉鏡人同淡
香入羅帷夢亦清 拂案金風秋九日 窺窗璧月夜三更

丰姿濯濯纖塵淨看久翻憐太瘦生

春夜懷九姊二首

碧天懸素月千里共皎潔夜靜看庭梅連枝應未歇
獨對殘燈影遙聞過雁聲寒宵易惆悵况復有離情

月夜早眠

藜牀聊憩苦吟身飛鵲賓鴻驚夢頻可惜元規樓上月
清光今屬辟纒人

秋日道上書所見二首

游賞歸來日未暝看雲屢教畫輪停遠山不識來何地

碧梧軒吟稿

卷一

五

但見林梢一抹青

寒蟬在樹雁橫空暮色秋聲處處同村墅人家千百戶
籬垣盡在碧烟中

九月八日雨戲作

思向東籬把酒杯窗前洗琰試新醅雨師似解幽人意
催使黃花一夜開

雪

濃雲靄靄夕陽殘玉雪霏霏增暮寒破屋庶民多掩戶
僵眠豈獨是袁安

登樓

向晚慵披卷閒登遠眺樓青山啣落日黃葉入深秋百
歲人如寄千年溪自流一聲何處笛天水共悠悠

秋月

同是青霄月秋深別樣明九州增皎潔萬戶共淒清野
樹驚烏夢幽窗動客情高樓頻嘆息荆楚未休兵

秋望

殘照西風獨上樓郊原野色望中收昏黃日影隨征騎
咿啞笛聲歸牧牛溪水清於中婦鏡蘆花白似老人頭
碧梧軒吟稿卷一
丹青總有傳神筆難寫村邊一片秋

月夜

更深萬籟靜明月散清景幽鳥棲復驚窗前亂花影

秋庭獨坐

風動秋花滿院香晚涼階下獨徜徉一聲雁過南樓去
檐際濛濛新月黃

過外王母樞堂有感

依然春日射疏櫺寂寞空堂戶晝扃芳草無情還似舊
年年因雨上階青

春詞

門外春歸碧樹枝長條如線復如絲
碧紗窗下調鸚鵡
教唱秋娘金縷詞

七夕

過目光陰似水流金風玉露又清秋
碧梧庭院沉沉月
獨坐檐前看女牛

賀外叔祖張汝安先生致仕歸里

不爲虛名羈却身忙從宦海覓歸津
清風一枕南窗臥
的是羲皇以上人

碧梧軒吟稿

卷一

七

喜澄泉叔父歸自雲南

薄宦竟蒙愆臣心敢乞憐廿年拋骨肉
萬里隔山川
夢穩歸初遂醫良病乍痊
音容昆弟似猶女暗淒然

蘊香閣詩草自序

十年爲婦百里辭家惟惕厲乎蘋蘩遂荒疎於筆墨客
歲春仲歸寧於祝見吾弟手錄一編乃閩秀百家之選
頌椒吟絮旣多閩閩綺羅怨雨歌風亦有閩閩荆布披
覽一過感慨藂生雖或際命運之窮均無失性情之正
夫六藝芳潤不外四德精華也可興可觀所貴宜風宜
雅也離憂堪賦芳草藉以言愁別緒填膺飛蓬淒其未
雨彼摘華繡閣世不乏人茲吮墨機窗誰獨罪我哉嗟
嗟舊習難忘新製偏多拂硯匣之塵理妝臺之句偶拈
蘊香閣詩草自序

蘊香閣詩草

自序

一

險韻多在停梭托遣幽情敢誇織錦第今日厨下酸吟
異當年閨中燕喜雖承君子之眷不無小人之戚况乃
君遊越水妾夢吳雲北堂之甘旨常乏西館之脯修誰
供慈親孀發故里愁深季子同胞他鄉裘敝是則花階
紅雨短夢驚心玉鏡朱顏長年隕涕者矣因茲數端釀
成千斛偶焉詩就歛清怨於臆中漫爾吟成寫哀音於
腕底寧曰雕龍繡虎學步邯鄲刻羽引宮競歌郢郡也
哉漫塗繭紙竊比蛩吟後有他篇卽附是帙壬申仲秋

蘊香閣詩鈔卷二

古祝阿郝、簞秋岩氏著

黔中本淇曾先生鑒定

胞弟郝、答餐霞編次

濟陽高積階麟臺校錄

贈醒堂

一結同牢義相期百歲歡葑菲君不棄
藜藿妾能安奉侍漸身薄優憐托母寬
膝前雙弱女共作掌珠看

楊花詩

錄王使君且任爲佳軒敘文

楊花者陝西孝義廳徐司馬歌童也教匪擾關

蘊香閣詩鈔

卷二

一

中司馬以書記從戎攜楊過留埧留埧司馬齊
君飲之酒賊突至從人皆走楊獨扶徐出上馬
馬已爲奔者攘去楊以己驟進徐不可楊曰公

朝廷命官奴蒿草耳徐乃騎而馳楊步隨之

追者至短兵相接楊揮馬箠拒之遂被縛罵賊

不屈死嗟乎臨大節而不奪類皆奇傑之所爲

今乃於舞衫歌扇中見之其事甚奇其人亦可

不朽矣

楊花復楊花楊花誰家子一曲繞梁歌偏得使君喜使

君載筆從戎行楊花攜策隨紀綱只言丰姿耀春日寧
知峻節凌秋霜秋霜峻節何由見留垣曾侍官署宴一
樽相對猶未終妖匪倉卒忽生變么麼蜂聚如雲屯臧
獲僕御爭星奔顛沛方知童僕義艱危誰記主人恩主
人恩義拋不得楊花獨立使君側一騎奉主全主生一
身徒步抗羣賊羣賊縱橫今數春西征金鼓勞漢臣戲
下何人知大義楊花獨保主人身身宜爲 朝廷保
奴命輕微似蒿草馬箠直將摧利鋒身殲力盡心難撓
吁嗟乎臨事捐軀誠足多雷工王監意若何雪膚委地
蘊香閣詩鈔卷二

二

血應碧虹氣過雲忠不磨 天家已定嫖姚賞側微誰
賦楊花歌願得

泥書光泉壤庶幾授命之義勿蹉跎

冬日早行

四野繁霜一色同重裘不敵透肌風憐他僕馬衝寒苦
爲我馳驅道路中

春闌

歌枕迴殘夢幽窗怯曉寒花香知露重鳥語惜春闌令
節拋來易閒愁釋去難鬢絲生幾縷仔細鏡中看

奉和醒堂春日閒居

春水沄沄漲釣潭花枝含笑草拖藍五紋刺繡憐嬌女
七字吟詩教幼男烈士襟懷君自許貧家風味我能甘
無須悵望貂裘敝十畝農桑亦足耽

送醒堂之杭州

檢點衣衾夜束裝送君不禁有離傷悠悠遠道風塵苦
寂寂深閨日月長舊業應思經史貴閒情休賦綺羅香
空林風景雖云樂未必他鄉勝故鄉

陳烈女詩

錄王使君且佳爲佳軒敘文

蘊香閣詩鈔

卷二

三

女父德威白門人攜妻子來奉賢縣之蕭塘鎮
販脂爲業有當舖朱某挈子貿易亦來是鎮同
爲客因通媒妁婚有期而朱子逝父母行將奪
志女從容往哭歸而自經遺言隣女以明志女
死於嘉慶乙丑正月十九日去夫亡六十日

君不見延陵季子重一劍不爲存亡背初念又不見蘇
卿仗節收羝羊齧雪吞羶死不厭貞女堅操亦如此芳
心誓比古井水節烈由來光汗青於今乃見白門子白
門處子當塗妻紅絲繫暮烟久締愆期幾載占歸妹髡

髦終古痛分攜分攜已折鴛鴦侶吳綾高繫淚如雨
絲曾許附女蘿紅顏不惜爲黃土免絲女蘿空爾爲紅
顏黃土眞堪悲椿萱不諒柏舟節繡閣難吟孤燕詩吁
嗟乎撫棺一慟爲夫死玉折蘭摧今若此長夜冥冥終
不還窈窕貞魂竟何是

歲暮書懷

風雪淒淒逼歲闌尺書緘淚勸加餐當年惟恨諸孤幼
此日懸知絮被寒鴻鵠已成千里翮鷓鴣各寄一枝安
北堂日暮愁何許寸草春輝欲報難

蘊香閣評鈔

卷一

四

聞雁有懷

鴻雁暮南征哀鳴淒且婉言念我同父羈居在遐遠凝
霜隕草木時節忽復晚孀慈正倚門思子未能返

課子

穉男生七齡從師受四子授以唐人詩誦讀亦可喜伊
父年不惑似續獨有此虎狗未可知教誨聊復爾憶余
初勝衣閒暇涉經史結褵事夫君願言同生死深慚之
遠猷匡贊失所以箕裘墜先業幾欲呼庚癸貧賤雖非
病清時亦堪恥賴兒年漸大余懷轉無已義方需嚴訓

爲山忌自止願兒戒嬉遊力學自茲始

登樓

偶登池北樓雪滿村前路晚雁西南飛祝阿在何處

春雪

靄靄春陰結紛紛暮雪飛端居思命酒閒坐欲添衣喜
見寒梅發驚聞早雁歸吹噓對鼎鑪迴憶在慈幃

自祝阿返固均漫成

昨朝賦歸寧茲日復當去遲迴戀所生含哀不敢訴坐
見華燭殘驚看星河曙行行出閨門單車犯曉露受形
爲女子誰能守故處如何結褵久轉恨違親遽時物競
芳妍人心苦百慮庭闈回望遙極目傷春樹

曉起

春夢迷離睡起遲小庭風暖鳥聲知坐看嬌女梳蟬鬢
忽憶蘭闈十五時

春日田家

閒門芳草綠躬爨餉春耕向晚縫衣坐時聞新燕鳴憂
勤詩境改寂靜道心生薄劣良多愧敢云懷不平

清明

鳥語間關喚曉晴
清明景物豔中庭
彩雲低傍秋千架
麗日斜窺翡翠屏
桃粥乍成千粒燦
榆羹初進萬錢青
勸餐漫道無鐘鼎
春酒雙雙祝耄齡

喜雨

南風浙瀝透窗紗
樓閣濛濛歛晚霞
三徑墨雲拖地黑
一簾澍雨壓檐斜
禾苗漠漠新垂穎
豆葉青青欲作花
幸得豐穰完國課
無妨貧賤是生涯

秋日有感

樓閣新涼燕燕飛
深閨初換越羅衣
碧梧紅豆秋容晚
蘼香閣詩鈔卷二一
六
紈扇桃笙夏景非
幾處清砧催搗練
昨宵幽夢賦言歸
綺窗白菊着花未
惆悵西風音信稀

午炊栢根清芬滿院因作絕句

芳薪析古栢
午飯煮黃粱
一飽隨緣畢
餘烟滿院香

秋日寄懷君實弟

秋老碧梧端鴻飛
清晝闌山川同氣隔
風雨異鄉寒我
有思親淚君歌行路難
淒涼倚閭望誰爲
勸加餐

聞君實遊江南追寄

嗟爾翩翩作賦才
壯遊今上鳳凰臺
好將五色生花筆

遍寫江東景物來

珠歌翠舞古揚州乘興無妨倚棹遊應把春心較泥絮
莫教楊柳絆行舟

春日送醒堂重遊吳越

長江渺渺路悠悠底事王孫未倦遊芳草曉烟迷遠望
桃花春水送行舟蘭交十載知誰憶雁序一官頗自憂
惆悵臨歧無限意非同夫婿覓封侯

春燕

王謝堂前事已非有城元鳥倍依依東山簾幕經年別
蘊香閣詩鈔卷一
七
南國烟雲幾日歸得草應憐春晚晚將泥可奈雨霏微
蘭蹊蕙徑猶無恙好許將雛款款飛

午睡

午睡纔興理髻鴉春愁黯黯香無涯鳳笙不解留蕭史
蝶夢偏能到謝家剪剪和風新雁乳萋萋芳草夕陽斜
開簾驚看堦前雪飛盡垂楊幾樹花

寄贈族嫂王安人京師

嫂棲霞族兄懿行室也兄以善著述馳聲天下
嫂亦嫺詞翰能文章考據博洽名能與兄耦甲

戊冬嫂自京師以所著夢書列女傳相寄賦此
誌謝

文星夜朗銀河北賢媛聲華溢京國續史無漸世叔妻
生花肯讓江郎筆憐爾文章播上清蛾眉不愧號先生
迢遙願識瓊枝色春夢無因到鳳城

閑坐戲成

金鴨香爐換夕燠鳴蜩斷續隔簾聞書緣有味難拋卷
酒爲無聊易得醺釵鳳瑋瑋對月髣鴉種種欲銷雲
王孫芳草三千里曾否臨風憶細君

蘊香閣詩鈔

卷二

八

燒香曲

畫閣珠簾曉不捲吳綾半展幽香滿金爐獸炭微生薰
輕烟旖旎含風軟烟鬟髮鬢金蟬暉羅衣未換愁嬌惰
翠屏不動碧雲垂簾幕深沉清晝鎖清晝沉沉清夜闌
丁冬玉佩鳴闌干甲煎午夜邀桂魄常儀無那輕霜寒
霜華荏苒涼威作藁砧遠道愁蕭索東道誰憐客子情
西風祇語簷前鐸黃金滿地槐花老絡緯哀啼秋風早
千里歸期不可期蝴蝶飛入西園草

水仙效玉溪體

脈脈依羅幌亭亭對綺寮輕塗漠殿額羞舞楚宮腰釵
薄雕寒玉衣單約翠綃香肌愁麝逼雪靨怯春銷洛浦
靈旗杳湘川寶瑟遙吳江昨夜夢微步過楓橋

平原春日有感

舅氏舊宅之北茅屋二楹余保母曾居之西隣
菜園春色可愛韶齡嘗往嬉焉今偶經其地茶
園依舊茅屋成塵矣覽眺悵然爰賦短章以誌

感

楊柳陰陰蔭碧苔舊曾遊處暫徘徊蕭疎白髮他年夢
蘊香閣詩鈔卷二
九
荏苒青春幾度來斜日不留茅屋影東風依舊菜花開
西園悵望情何許慚愧班昭作賦才

春日小飲呈醒堂夫子

庭樹鳴禽改百卉萋以新君言意不適歡飲及良辰村
居何所有烹蔬膾細鱗齊眉敬未展報禮勞夫君樂極
哀斯至箴銘良具陳願言保令德努力安清貧

曉妝

膏沐明妝豈易捐短衣椎髻愧前賢雲成南國無雙髻
日下西樓第幾磚未見少君能負未怎教夷甫不言錢

俗愁幽恨俱難遣坐對薰風一悵然

感鏡

鸞鏡凌晨啟蟬雲隨意梳垂髻憶昨日早已二毛初

述懷

少小侍慈闈廿年貞不字刺繡有餘工讀書解經義一
從諧鳳卜十載勞中饋芳謝筆端花憂生爨底桂咬咬
滿月容清輝日以悴樵悴亦何辭庶幾免罪戾竊願荷
天眷貧賤遂薄志長幼共怡然蔬布粗能繼嬌女托令
門佳兒得賢儷一編對晨夕優游以卒歲

蘊香閣詩鈔

卷二

十

母使至有感

雲水悠悠思不禁平安得報更沾襟從知生女了無益
推解依然慈母心

水晶簾下問來人祇道今時康健真却憶桓山飛鳥散
堂前那得不傷神

冬夜觀書

篝燈夜讀史攤書盈綺櫳披閱未終卷杳杳聞晨鐘靡
彼膏火費妨茲刀尺工堪笑漆室女居然類冬烘夫子
事簡編四十困覺宮而我顧何事流連鉛槧叢儒冠士

多誤况乃脂粉容專城未有分文章難送窮閭閻有禮
法在昔稱郝鍾庶幾步遺躅或不慚宗風蠹魚有嗜好
蠟屐頗相同聊以適吾意誰寧圖其功

歸寧謁先嚴墓

謾謾松風生夕哀一杯和淚奠泉臺稽男已作頻年客
左女剛能隔歲迴此日箕裘悲舊業當時襁褓嘆英才
九原瞑目應難穩願許班衣夢裏來

白丁香花

嬌花底事意難平一夜春愁百結生仙佩垂垂珠影密
宮釵嬾嬾玉華輕風前軟舞鶴應妒月下幽香梅亦驚
漫道妖嬈謝桃李清羸似我最憐卿

戲咏榆錢

寶樹燦竒葩千枝垂隴斜洪爐春鼓鑄綠仄曉紛拏筐
摘舊囊滿鼎調新味嘉萬錢謀一飽詎數五侯家

寄醒堂

夫子林棲者胡爲日下遊寧關附鳳翼豈免抱鄉愁西
館誰相待南園尚可休五侯多自貴懷刺莫輕投

寄示君實弟於陽湖客次

吾弟睽離久近時安好不竭來吳子國曷勝越人謳少
婦丹消頰高堂雪滿頭懸知千里望危倚幾重樓所喜
駒朝繫猶非珠夜投西堦揖上客東道托賢侯酒盡藕
花夕詩成楓葉秋仙衙容傲兀琴幕亦風流羈旅寧無
慨言歸轉益憂拚教負郭棄不獲閉門休百萬曾揮注
千金竟費籌實棋憐舊業借箸乏良謀事往誠難諫福
多宜自求苟云安曠縱何以繼箕裘好攬山川秀時增
德業適年華似江水莫使漫悠悠

醒堂歸自京師攜書數種披閱有感漫成四絕

蘊香閣詩鈔

卷一

三

千里遊人隔月還入門一笑各平安解裝忽見緬函綠
忙啟牙籤仔細看

驢背垂垂壓曉風路人不道客囊空一編入手拋難遽
又費機窗半日工

紙上琳瑯觸目驚文星何意聚昆明堪憐萬里論詩處

也有農家諸父名

滇南詩話首卷有
家澄泉叔父詩

清詞難免世間揚紫綵吟成翰墨香我自艱難君自貴

漫將憎命怨文章

許太夫人詩自分青裙終老婦
監叨紫綵拜鄉君出隨園詩話

送君實弟還里

風雪歲云暮園林梅欲芳送君還故里爲我問高堂白
髮懷麟趾斑衣寡雁行遠遊知己倦努力愛時光

醒堂錄余詩成帙口占二首

夫君雅好事爲我寫新詩窗下拈毫久燈前校字遲奇
才吾自愧深意子應知珍重藏巾笥播揚非所宜
內語戒聞外微辭何可傳偶緣咏春雪未分等寒蟬猶
喜無淫佚敢云希聖賢知音感夫子相對一忻然

送女

膝下嬋娟子悽悽將適人誰能親結吮不有淚沾巾車
騎來何早笙簫促亦頻追隨方昨日離別在今晨骨肉
愴懷久絲蘿成禮新工容慙姆教資送苦家貧善體諸
姑意謹防王母嗔疎慵勿學我恃賴北堂仁

哭叔父寅亭先生

先生同父伯仲四人從父兄弟七人自乾隆甲
辰先嚴去世期功伯叔相繼殂謝杖履無恙者
惟季父澄泉公一人而已先兄竹林堂兄竹書
亦於曩年省侍地下家之云衰老成凋喪痛何
如之古人大功去琴瑟聲調之事固喪際所嘗

廢者今叔父之喪歲已改而服未闋也謹以寧
母之日拜省靈帷瞻棟宇之依然慕音容於疇
昔哀慟之餘援筆成章借以誌哀弗事瑯琢叔
父有靈當亦恕之也

驅車策駑馬言至叔父家叔父家不遠室邇音容遐音
容一旦戢歲月忽云改哀思不可裁普淚若滄海逡巡
上高堂悽愴摧心肝咫尺先生座已矣定省歡定省痛
已矣含哀拜虛位總帷微若颺彷彿聞警歎竊聞古逝
者魂氣無不之得勿叔父靈洋洋猶在斯斯情亦何極
蘊香閣詩鈔卷二

古

失聲一長慟白日黯無光左右爲之痛昔在甲辰艱冲
頑無所知及茲念所生轉若初沒時痛我諸父兄先後
泉下曾杖履不可攀涕泣恍如醉

可觀歸自師所索糕餌且訴夜寒惻然撫之因戲
示以詩

世人奉軀命所圖惟喫著寧知好筋骨坐受飽溫饌是
以古賢士懷璧茹藜藿稬褐苟蔽形無羨狐與貉體膚
鍊以堅學識積而博進能濟蒼生退足樂邱壑爾父遭
不造此意竟蕭索倪爭雞鶩餐仰愧九霄鶴爾母儒家

喬迂澗不自度襟抱狹宇宙形骸束閨閤兒年日以長
癡頑應非昨憐爾如雛鳳那可爲燕雀學者與飢寒周
旋良不惡勉資熊丸苦勿嫌緼袍薄

楊柳枝詞

莫問腰圍剩幾圍靈和眉黛已全非春閨歲歲傷離別
忍見楊花撲面飛

春日有感

東風又染綠楊枝膝下嬌憨憶昔時翠被香濃春睡穩
紅窗日暖曉妝遲艱難菽水何曾慣辛苦桑麻祇自持

蘼香閣詩鈔

卷二

五

贏得華年成老大髣雲雪影一絲絲

妯娌相將侍北堂承歡聽話故丹陽詩書垂訓心常切
撫字關懷夢不忘千里遺民俎豆在金華人廟祀先
舅謂之張公祠十

年舊業橋林荒郎君不作金門客南北悠悠各斷腸先
舅

守金華時與武林別駕崔公相善崔少君景儀弱冠入
詞林先舅顧視諸郎諄諄敦勉今次公子輝若効力浙
省季公子熠若困於青衿
追念往昔感慨係之矣

折花

遠別悵路歧端居移時節閒園偶一過雜花已如雪生
非金石軀坐惜春芳歇躑躅幽林間攀條不忍折

得醒堂大梁書信因次來韻

齊雲汴月路漫漫客邸懸知淚未乾應是恐傷慈母意
尺書重疊勸加餐
飄飄琴劍託親知誰奉相如取酒資惆悵多情憐拙婦
猶然千里惠新詩
王孫底事愛春遊鴻爪泥痕處處留何日西窗同剪燭
漢唐遺跡話中州

擬古三首

古稱大年者彭鏗八百秋方平視若輩無以異蜉蝣浩
劫無終極麻姑亦白頭三萬六千日安見非浮漚去去
日以短人生懷百憂近聞蓬萊水復作淺清流

蘊香閣詩鈔

卷二

六

岱東有佳樹婆娑依山崗春風二三月花萼自芬芳斤
斧誰所縱枝葉忽分張亭亭車蓋陰一旦虧其常伐多
枝葉稀伐久根本傷不見葛與蘂絲絲相庇長

兔絲附女蘿相附終相比結體一以固枝條成連理顧
惟愚陋姿生小出田里琴瑟永已調如何有不喜陳言
違顏色恩禮良所恃敬恭洽九族所以望君子

紙價平分糴米錢情深文字亦前緣
竭來鄴架藏書地忽憶深閨刺繡年
南阮生涯真寂寞北窗風日自便娟
吟詩欲效秦嘉婦格律終慙愧昔賢

夏夕

堦墀繡簾雨簾幕晚涼生坐見東山月
忽來西閣明蘿輕風有態荷靜露無聲
何許驚心最新蟬高樹鳴

新秋月下讀南華經偶成

年來慕至道所學在忘情故態未能免
閒愁時復生新涼催下葉秋月照前楹
一誦莊生語寥然萬慮平

蘊香閣詩鈔

卷二

七

生日感懷因寄君實弟於濟南闈下

紫桂香飄設悅辰南雲翹首淚沾巾
廿年慈母青燈苦卅載藐孤華髮新
夢裏庭闈悲契濶眼前兒女費精神
惠連文戰英雄隊記否髫年共讀頻

有感

參商雖抱釁千古同在天東阿咏豆
其他日終怡然嗟

哉陳元氏遽爾隕黃泉相尤悲前日
相好更何年人生

詎幾日骨月多不全

家兄竹林亡已十年因夫兄
沒感念及之悵然心惻

感此

三嘆息泣下如縻懸

聞君實下第

杏葉微紅似有霜
閒村秋色近重陽
東來不見泥金報
西望遙憐鴻雁行
一第料難酬遠志
微名祇欲慰高堂
何期五鳳修樓客
眊噪西風又一場

歸寧

女行遠慈幃一歲一歸寧
兄弟喜相聞
姊妹歡逢迎
相將入舊室
環坐話離情
阿母把手問緣何
太瘦生憶昨
去膝下母疾體未平
瘦生動母憐
欲泣還復停
母安兒自安
母寧兒自寧
區區飢與寒
那敢陳母聽

蘊香閣詩鈔

卷二

六

城武陳氏兩節婦詩

兩節婦者城武陳母徐太君及孫婦宋夫人也
太君以季隗之年守柏舟之節業蒙 旌而坊
未建孫某弱冠食餼稱名士婦宋氏年二十餘
生子甫兩月某以文戰不利遽病卒是時生父
母皆老耄子又呱呱在襁褓婦欲死不可因茹
哀自強事親教子苦節數十年卽今諸孫森森
玉立滿堂子明綱亦以文章蜚聲藝苑因念家
貧未能奉揚母德請旌於 朝又恐致湮沒乃

簡述兩世苦節徵詩於世小兒可觀自師所持

來請余賦之竊謂婦人之義從一而終非有奇
行異能表異於世然而世教衰靡流風不古再
聽之行波及巨室若兩夫人者艱難持節之死
靡他良足矚矣推其志操雖與日月爭光可也
爰採梗概播諸長篇雖詞旨淺俚有慙大雅亦
庶幾顯揚節孝風於閩賢云

君不見曹令女青年永絕鴛鴦侶鉛華棄不御憔悴甘
荼苦又不見楚白姬匪石貞操終不移誓心指皎日慷

蘊香閣詩鈔

卷二

九

慨何淋漓人世輕塵棲弱草錦衣玉貌那可保造次艱
危大義明剩遺芳名萬古好令人何必遜古人賢媛重
聞徐太君冰骨自矜天下少貞聲高逼青冥聞貞心芳
骨堅如玉音徽更喜蘭孫續自是傳家有典型却看懿
德光流俗蘭孫授室方青春一病永拋萬古塵詞賦舊
推花縣長文章新失玉樓人塵緣已散吹笙偶深閨魂
斷飛篷首柏節常思磨笄殉麻衣終爲孤兒守孤兒懷
抱啼嗶嗶况有雙親在北堂堂上舅姑髮似雪室中婦
節冷於霜忍死偷生存一息撫孤兼以供子職午夜鳴

機清漏寒涼宵課子深燈黑漏寒燈地幾十載雙親已
沒孤兒在黃鵠哀吟神鬼驚朱顏蕭颯蛾眉改卽今寒
谷漸生春玉立森森長子孫芝蘭共蔭松筠操湘管爭
傳賜斷文夙聞侍 帝多枚馬朝朝載筆金門下安得
斯文光汗青千年貞魄留朝野

蘊香閣詩鈔

卷二

三

泮文次刊百千平貞廟禮

泮文次刊百千平貞廟禮

泮文次刊百千平貞廟禮

泮文次刊百千平貞廟禮

泮文次刊百千平貞廟禮

蘊香閣詩鈔補遺

聞西郡警有感

使君將王命本期撫元元奈何承平地倏忽興戈鋌小
民蓄妻子所樂惟田園哀哉黔黎輩遺此千載寃天威
加震蕩撲滅良易然其如閭閻眾辛苦多煩艱邇來濟
水左饑旱苦連延况茲多稱貸秋稅未全蠲種田當納
賦國課良所先哀哀中澤鴻得勿困饑寒屠火置積薪
高臥豈爲安願言告良收戒此前車翻

春雨有感呈醒堂

蘊香閣詩鈔補遺

中林悅時清非關膺寸祿鄉里望年豐豈必田園足
場來逢饑饉比戶憂桂玉所希風雨調萬里禾麻熟靈雨
應時來百卉萋已綠因念曹衛間往歲遭焚戮春色無
愆期人命有局促黽勉聊相娛縞綦庸非福

秋夜新寒戲效飛卿體

碧梧黃葉委金井鐵馬丁琤宵漏永瑣闥閒製芙蓉裳
玉腕生憎金剪冷金剪寒多夜未央香燈掛壁凝寒光
鳳羅冷薄蘭薰歇河漢迴環秋夜長秋夜沉沉秋夢薄
紛紛蕉鹿愁難著霜威不禁汝南雞簾外聲高星漸落

詠史

秦關一百二鬱律何雄哉始皇冒天險開國騁奇才長
纓繫六王雄心馳八垓鞭撻億萬姓經營百丈臺臺成
未東狩劉項忽西來阿房消一炬咸陽化爲灰人事無
久停盛衰難究推何必雍門琴始令孟嘗哀

孟氏有老女色黑貌且醜自視一何高擇配不輕偶伯
鸞希令德六禮邀相友入門謝艷妝舉案期白首傭書
業旣薄旅食名非厚俛仰百年間餘聲亦不朽

哭平原從母張孺人

并序

蘊香閣詩鈔

補遺

二

孺人張氏故膚施宰協中先生少女家慈異母
妹也以從母之尊而少余數歲余幼多居外家
與孺人眠食相共愛異常情孺人旣長風儀秀
整簡笑寡言工刺繡讀書過目不忘年二十餘
歸江南某公子公子官縣佐以需次寓平原家
徒壁立孺人處之裕如未數年以疾卒嗚呼碧
落何歸黃泉莫返人生到此天道寧論余以路
遠不果奔弔漫製短章聊抒哀痛云爾

婉婉仙姿冰雪清金闈並繡記韶齡朱顏有恨花長歛

蕭生無情草自青豈以聰明銷福壽枉從粉黛想儀型
無因望 向靈帷慟腸斷西州謝傅庭

蘊香閣詩鈔

補遺

三



無因望

向靈帷慟腸斷西州謝傅庭

蘊香閣詩鈔補遺

恤緯吟詩敘

蓋聞女子善懷故化興於樛木婦人從一亦操勵乎柏
舟唯大節之無虧斯遺文之堪托是以離鸞寡鵠操曲
者不忘其悲而截髮誓肌載筆者必明其志洵足重矣
良有以也秋岩姊少出儒家長歸仕族蘋蘩奉職不愧
鍾郝儀型藜藿甘心枉說金張世胄迺以結髮之初卽
有將雛之懼撫他孤知已出嬌女終托名門誕愛子而
長生佳兒漸親嚴傳詎意遭家不造時命難知良人沒
而藐孤癡祖業衰而田產盡一家數口胥邀指上針神
恤緯吟詩敘

四載雙餐咸賴奩中釵鳳艱難困頓崎嶇酸辛莫此甚
矣又何加焉雖然彼蒼者天無情者帝芒風吹律難迴
黍谷之春凝露增寒更殺燎原之草粵以飛龍之歲重
遭隕鳳之悲淚旣盡於親知哀亦感乎行旅因著有恤
緯吟一卷長歌當哭無殊巫峽啼猿短韻含悽不異隴
山哀鳥聞者酸鼻覽之棘心僕親屬母弟序長女兄托

以手足之誼愈增肝腸之裂六親共運何忍視其顛危
三族同悲豈忘扶其患難然而命也如此事可奈何非
人力所能爲慟每餘於白首恨天心之莫卜駕豈挽夫

黃泉惟有代之抑鬱助其悵惘者矣嗚呼曹大家學稱
續史青年已賦孀居宋宣文名重傳經白髮終屬孀婦
紅顏薄命造物忌才振古如斯於今爲烈安知此日夫
亡子喪之戚非由當年唾珠咳玉之厲耶詩中之意不
假煩言聊述大端以存梗概觀者諒其深心悲其慘遇
可耳豈

嘉慶庚辰辜月一日同胞弟答拜書

恤緯吟詩敘

一

二

恤緯吟卷三

古祝阿郝 籃秋岩氏著

黔中李淇貧先生鑒定 胞弟郝 答餐霞編次

濟陽高積階麟臺校錄

女蘿

女蘿附喬松相期同歲寒霜柯不自保繫援空復言嗟
余生不造所怙夙以捐邂逅承嘉問黽勉奉蘋蘩德音
幸不違縞萋相與歡謂言托末照庶幾終餘年詎意愆
罪積天禍邁重延伊人厭斯世捐棄頃刻間微軀拚決
血緣吟 卷三 一
絕貌孤相絆牽歛魂強視息卒歲倍辛艱生涯無負郭
貽謀惟簡編箕裘畏失墜桂玉費周旋達情遜莊叟樂
道殊孔顏形骸全枯槁意緒半癡顛天高不可問海濶
枉擬填憂端徹天海風雨夜漫漫

陌上花

陌上層層桃李花春闈處處怨天涯天涯地角休傷遠

猶自離人解憶家

繡幃雕鞍陌上來青春白日憶徘徊三年黃土書難寄

二月東風花正開

紫陌殘花撲面飛，有情那免淚沾衣。
新阡日長離離草，往事徒歌緩緩歸。

陌頭楊柳絲絲烟，花事匆匆又作繻。
謝女才華悲昔日，張郎風度憶當年。

曉枕

曉枕驚聞遠寺鐘，眉新京兆憶前蹤。
梨雲已散牛衣夢，芳草徒憐馬鬣封。
氣吐虹霓終是幻，名垂竹帛竟何從。
傷心地下頭應白，漫道泉臺識舊容。

夏日漫題二首

恤緯吟

卷三

二

丹陽已散千頭橘，諸葛何來百樹桑。
取次麥秋過蠶月，愧他隣舍絡絲忙。

睡起簾櫳半夕陽，博山灰冷怯添香。
黃泉碧落無消息，庭草萋萋夏日長。

天道

天道茫茫未可圖，忍將天壽問洪爐。
髭鬚已抱千秋恨，付託終慙六尺孤。
早是童年隨幻化，何須七月識之無。
泉臺骨肉如相見，應念人間淚眼枯。

命薄

命薄生堪愧時艱死已遲拚從鸞鏡棄可柰鵲巢危早
歲徵蘭夢遐懷慕桂墀三遷欣得所百折更何辭詎意
前生譴重添此日悲伶仃憐弱息災患起重帷羸質服
勞怯名心感病竒未成一擊中遂誤百年期紫府填簾
聚黃泉堂構隨長卿徒有婦伯道竟無兒顧忝微軀在
忍教遺緒虧移花詢舊圃接樹擇孫枝古有爲人後今
兼睦本支若教終不餒式穀莫相疑藁苦全知罪茶甘
會有時天恩留剩喘茹痛且含飴

附和詩

并序

恤緯吟

卷二

三

姊少擅詩名夙耽藝事德容雙絕伉儷獨遲年二
十四歸醒堂張君相夫子以持家奉孀親而視饒
咸稱好德悉無間言詎意寔命不辰所天遽喪友
琴和瑟未聞白頭之吟寡鵠離鸞已隕青年之涕
所喜弱息猶存佳兒在抱九熊畫荻三年黃卷青
燈恤緯績麻一掬縞衣紅淚方期大器重在晚成
豈謂長才偏逢短折粵以金龍紀載之年復遘孀
禽喪雛之慟親族聞而興哀途人知亦感泣宗祔
何托幾飯若敖之魂似續忽諸莫延庭堅之祀洵

堪慟矣夫何言哉然而理惟求是事可行權雖童
殤增慟禮無置嗣之文而名父堪悲古有立孫之
說爰擇旁舍俾繼本支嗟乎果羸有子莫生式穀
之疑葛藟成陰唯求本根之庇旣興哀唱豈無嗣
音爲和此篇不知文生於情情生於文傳之後世
或亦慟餘於詞詞餘於慟不求工拙唯致凄其君
子傷之識者覽焉

廿歲聲華重十年伉儷遲一從卜秦晉幾載受艱危
珠桂憂中饋芝蘭秀玉墀饔飧勞度畫規戒費言辭

柳澤吟

卷二

四

豈意良人沒翻成婺婦悲藐孤方幼齒慈母更孀帷
患難悲天阨崎嶇嘆數竒所愁原莫道此恨竟何期
詎識家門敗偏教死喪隨呼天慘弱息繞膝失佳兒
兩世人何在百年嗣欲虧徵蘭徒有子視蔭已無枝
猶喜存宗祀尚堪繼本支立孫原有說爲後自非疑
好無螟蛉似常甘憂患時他年稱大母會看茶如飴

不忘

不忘生前作死離愴懷一語囑佳兒那堪寡鵠孀鸞夜
重見雛妖鳳隕時畫荻恩勤全是妾崩城哀慟欲何爲

却緣白髮慈親在咫尺黃泉未忍隨

歲暮感懷

漫云生不易復此歲華殫有覺仍多累忘情良獨難茹
茶知分定衣葛爲誰單曠野無烟火重泉想像寒

春日口占

十載周旋迹已陳百年慚愧夢中身拚將困厄銷前孽
詎有音徽敢後人香圃彫殘蕙盡條風荏苒歲華新
未知學道忘情否惆悵芳時一愴神

春雨

輿維吟

卷二

五

花外輕雷柳外烟微風不隔畫簾前迷離病眼經三月
狼藉春光又一年千載幽情波渺渺九原暮色草芊芊
東皇不惜傷心淚爲向芳時一潸然

鸞靄春陰帶晚村瀟瀟深院易黃昏楚天任綠王孫草
湘浦難招帝子魂萬斛珠敲新怨調一簾雲瀉舊啼痕
桃夭李艷成前事泡影虛拋總莫論

簾幙沉沉曉不開碧墀人靜長莓苔坐來定有離家况
夢去終無思子臺鼃勉同心迷舊約蕭條獨夜濕寒灰
萬緣消歇隨流水祇覺春愁未易裁

反遊仙

弄玉簫聲已惘然
文卿韻筆罷前緣
素書漫結三生約
錦瑟終虛五十絃
搗就元霜難續命
種來紫玉已成烟
月娥懷袖鮫珠溢
不似天池水易乾

鳴琴頌

鳴琴頌爲邑侯時公作也公收齊八載務以德
化兼古文公卓侯之治辛巳春竟以陽城下考
罷官去夏五月得公惠題恤緯吟長律一篇矜
憫禍戾悼及童殤三復愴然遂有此作名曰頌

恤緯吟

卷二

六

實多哀響焉未敢呈獻聊以誌慨也

盛世鳴琴宰伊誰鸞鳳才惟公敷德惠斯邑樂栽培仁
恤先孤寡陶甄及草萊永言綏萬姓不待位三台鞭扑
刑徒設詩書化已該開庭聞雀噪芳野盡花開方謂侯
來晚俄驚駕欲迴政成甘下考宦拙誤鴻材

國賦徵科緩郵符接迹催罷官惟有笠避債乃無臺甌
約時云極雍容度自恢忽傳新句好轉益舊民哀白雪
徵殊調黃壚問劫灰九幽辜刻鑄三復愧瓊瑰維昔龍
門闢羣英魚貫來童烏承顧盼高譙許追陪金鑑應非

誤蘭芽條已摧銜恩期不朽抱恨竟難裁人事皆堪哭
天心詎易猜憑將杞婦淚一灑故城埃

柳絮

靈和舊事已全非斜日烟村絮又飛南浦幾回傷遠別
東風猶記糝春衣真成薄命前因在忍問香魂何處歸
絕代風流付悵望枝頭結子意終違

芳姿綽約擬當年眠起春深剩惘然望去渾疑珠有魄
拈來忽訝玉成烟長眉任鎖前時恨青眼難期後世緣
縹緲海天無限思雪霏霜冷總堪憐

血濺吟

卷二

七

暮雲亭榭灑初勻別作人間黯淡春誰意才華歸道韞
也同蘅杜怨靈均微芳不惜東堙海驪曲休歌西入秦
臨水登山試迴首石從化後亦沾巾
風飄萬點撲簾旌終古傷心畫不成往日周旋悲夢蝶
殘春情緒怯聞鶯波融楚水萍猶綠人去隋宮草自生
鳳輦龍旗迷處所消沉可奈爾身輕

附和柳絮詩

苦緒難明媮閨淚墮幽懷莫佈旅夢魂驚雖所
遇之不同亦其情之各至壬午春歸自京師秋

岩姊以柳絮詩相示酸吟激楚繁聲欲訴啼鴉
哀響纏絲慟意彌增寡鵠誦餘掩泣覽之生悲

僕千里馳驅一生落魄行踪莫定雲梯難問青

霄心緒無端彼岸終迷碧海因茲雅作感我閒

情吁覽景物而興悲樹猶如此共灑金城之涕

託宮商以遣恨情難自己同生銀管之輝遂依

原韻勉賦和章觀者略其文辭誌其哀怨可矣

依然眉黛未全非花事匆匆作絮飛弱質動隨遊子

騎新愁撲上旅人衣亭亭落日行難住渺渺東風去

血滄吟

卷二

八

又歸聞說吹噓能借力青雲有路可相違

青雲得力是何年與世浮沉一黯然古成嫩金宜掛

月荒村暖玉又生烟飄零未歇三春夢搖落終墜一

笑緣剩有遊絲堪作伴馬蹄踏盡更誰憐

馬蹄踏處草初勻亂撒瓊瑤送暮春乍可因風憑荏

苒無妨鋪水故平均傳來佳句應思謝墮入桃源定

避秦猶是天涯飄泊日陽關一曲亦沾巾

陽關一路點行旌搓去爲絲終不成空有芳情隨掠

燕可能幽緒訴啼鶯魂驚蝶夢飄難定魄聚蜂衙鬧

又生千載傷心時事晚莫言無累自身輕

湘瑟

湘瑟淒涼一曲殘楚歌哀怨託叢蘭將雛舊夢悲丹鳳
舞鏡前因憶紫鸞玉骨拚從金井冷香心不擬蠟灰寒
靈風來去渾無跡可省人間行路難

贈姊女張恭人

并序

女以子房遠曹箠歸李廣裔孫素顏勝雪黑髮
襲封憶當年燕喜閨中憐之子依依襟袂詎今
日周旋客次值畸人慘慘泥途話舊興嗟援毫

血緣吟

卷二

九

有贈

骨肉分枝葉闈闈亦身甥竭來濟左會曷異渭陽情窈
窕金張胄容華冰雪清結縞悲契濶總角憶聰明婿得
乘龍選家傳射虎聲由來漢飛將羞擬魯諸生分闈推
公子持門賴憲英西歸一經過東道喜逢迎燃燭蘭堂
迴開筵桂酒傾話長情黯黯坐久漏丁丁以我灰寒意
隣君錦誥榮封侯曷夫子莫使後功名

無題次君實韻

并序

潛織鮫人珠隨泣湧孤飛霜雁哀以聲宣蘭已

枯而香不消藕雖斷而絲仍在夫其性之所鍾
固有歷劫不移者矣若運危秋葉心死寒灰頗
染詩魔未除筆孽偶覩惠連佳製復興楚客酸
吟借伊險韻寫我幽懷格調無殊聲情各異殆
所謂和而不同者歟嗟乎彼小戎有作思君子
不諱纏絲斯大義相關悼王孫何嫌悽惻辭則
麗矣漫訝篆玉鏤金意實傷焉奚啻啼猿哀鶴
欲刪未忍漫記於茲苟有識者幸無譏焉

血暈吟

卷二

十一

簾幙曉豔氍春光任自草燕悲人永獨影與月成三腕
冷拋金剪鬢傾謝玉簪幽悰青女愍離緒素娥諳結想
懷環佩無情罷負擔拚教花作雪忍見草拖藍縹緲綠
山馭微茫海客談蝶魂迷九陌鶯語憶雙柑湘血銷難
盡荆歌怨正酣蓬壺終不遠消息竟誰探往事憐荼苦
餘愁祝葉甘書空漫咄咄禮佛亦誦誦不惜宮腰減寧
關佳句耽雲章何日報塵境幾朝貪蠶化絲仍在鶻啼
意轉愁錯疑春草誤幽夢湖江南

隗氏曲 并序

隗氏曲悲仲嫂也嫂李氏歸余兄公某兄行役

南國二十餘年未違內顧歲戊寅卒於橋李嫂
聞喪不哭而病日甚辛巳秋亦卒於家他日過
其故居漫賦此篇竊謂嫂青年異處白首同穴
頗有類季隗之待晉文焉詩爲代述辭多曲折
因謂之隗氏曲云

隗氏重樓孤鳳止二十五年待公子殷雷其雨春復秋
越水吳山魂夢裏方何爲期不可知循環縈念無終始
殷勤舊會憶烏橋契濶新書託黃耳渺渺烟波幾千里
芙蓉萎露葉葭死漫漫晝舸溯蟾蜍終古銀潢迷月姊
怨魂委地知難起那須淚溢湘江水土木形骸愧有余
空花色相轉憐爾

贈從嫂李氏

嫂濟陽宦族女歸余再從兄某兄幼業儒不諳
耕商事中年貧甚僦屋以居有女數人而無子
癸未春嫂乞詩於余曰同是薄命云云余感嫂
言因賦絕句四首以贈焉

東風又見物華新澗轍春泥困弱鱗未免有懷難解釋
可堪重與話悲辛

姜子威儀荆布妝綺羅典盡嫁時裳園亭也似春冰散
廡下僑居歎孟光

秋水雙瞳晚更明蘿窗午夜剪刀聲不妨儒仲能高卧
膝下何人爲代耕

數尺茅簷勝畫圖柴門臨水長蘼蕪鴛鴦雛鷗侶相將在
莫向清溪擬小姑

海鹽貞女行輓郁太孺人并序

孺人郁氏浙江海鹽名家女字同邑王氏王亦
貴族而家甚貧未婚夫亡誓不醮乃以處子稱

血緯吟

卷二

七

未亡人焉爲夫立嗣自撫教之旣而子以贅府
宦江右誤掛時綱適居吾郡之章邱邑孺人從
而家焉居數年嗣子卒惟二孫以硯田爲養蔬
食水飲泊如也嘉慶戊寅長孫某以孝廉仕社
平學博方擬迎養而孺人薨年七十有九葬章
邑之女郎山山名豫爲之讖嗚呼異矣詩云穀
則異室死則同穴若太孺人之與王贈君也一
言爲定百折不移而生無一面死隔天涯斯亦
可哀極矣余有表戚在章邑近以王先生之門

人某所作郁太孺人輓詩見示余讀而悲之因
爲賦此篇云

海鹽古邑海雲邊載生女士貞且賢那省雄龍會雌鳳
却教寡鵠憶離鸞離鸞寡鵠真堪痛女子由來一諾重
初心已許奉光儀寶瑟忍教成別弄寶瑟絃摧已斷腸
若敖魂餒更堪傷若敖藉力繇瓜瓞漆室依然是女郎
冰心玉質古希有尸饗不惜纖纖手幸得維城克象賢
栽花上國遠將母故鄉雲樹渺天涯門鎖春風閒落花
宦海風波那可料一帆北海又移家虞翻覆罪曷敢怨
恤緯吟
阿母甘心共患難何期天府召修文遽使高堂闕視膳
景壓桑榆日漸曛敬姜哭子詎堪聞共歎敬姜失令子
還欣李密是賢孫賢孫捧硯淚沾袂幾載硯耕新得歲
青氈方擬慰重慈白髮胡爲成永逝吁嗟乎雲旆霓旌
去不還徽音懿德自人間百歲終全女子節一坏獨葬
女郎山女郎之山在何許山頭夜夜驚風雨生不同衾
死異穴杜鵑啼血如人語

擬題何太孺人寒燈課讀圖

并序

何太孺人者濟陽侯李公之母也少賦柏舟家

貧甚且有燃萁尋斧之虞攜藐孤育於外家九
熊課讀師以母兼卒能教子成名顯揚於世子
李公某幼有至性克承母訓今宰濟邑游刃恢
如追惟母氏苦節以寫此圖泰安守李公濟侯
桑梓故人也爲作文啟徵詩藝林余族孫訥齋
得之持以見示嗟乎試看妾之所遭較夫人當
日之苦爲何如耶以我哀我且不懈又烏足以
鳴夫人之德然而高山景行跛者不忘瞻仰也
推無鹽之情以刻畫西子心誠慕之非唐突也

恤澤吟

卷二

四

乃不諱鄙陋爲擬樂府一篇簡質無文覽者幸
諒焉

窈窕女蘿絲纏絲松柏枝驚風折松柏女蘿終不移淑
女偶君子琴瑟和且諧願言偕白首何意中乖違山頭
石未化泉下魂已隨不惜微軀隕嗟此抱中兒兒年日
以長妾心日以悲家貧兼多難藐諸誰矜哀陸續幼能
孝楊烏才自竒義方仰慈訓賢母爲經師講授豈云倦
織作不言疲宵讀伴夜織咿唔答鳴機星河耿耿鐘
漏夜遲遲虛窗斜月墮孤燈明素帷山移心不轉寒盡

春風歸靈萱，傍丹桂爛熳。生光輝風木，忽成恨。蓼莪欲廢，詩藉此丹青跡，永留千載思。

寄贈章邱馬小姊

并序

馬小姊者，新城王太守公子之配。章邱馬幼文先生之女公子也。先生之尊人濟川先生，昔嘗設帳郝氏，授經於先兄乾隆末年。幼文先生復館於寒家，余弟從受業，余亦微聞餘論。有所淑艾焉。今先生以池州太守丁太公憂，守制居私第。有愛女年二十餘，耽文藝，善畫，折枝。余聞而慕之，恃世誼，遂漫有此寄。

恤緯吟

卷二

五

淑慎名家子，幽閒貴室嬪。文章鮑小妹，書法衛夫人。餘慧丹青寄芳枝，點綴新趨庭。傳異學，染翰樂天倫。絳帳追前武，烏衣屈上賓。由來孔李誼，不亞謝王親。况是閨中秀，堪稱席上珍。瓊瑤擬顏色，冰雪想丰神。投李曾非遠，班荆未有因。詩鳴吾豈敢，畫好子應真。霄漢瞻高鳳，泥塗愧弱鱗。願將五色筆，爲布草堂春。

秋柳文章邱邑侯張使君韻

垂垂萬縷曳寒烟，悵望村邊接浦邊。涼月忽驚懸玉鏡，

春風曾記送金鞭韓憑蝶魄迷荒草蘇武鴻書寄斷箋
兒女英雄同有恨攀條誰免淚泫然

讀書室外碧雲遮流水棲鴉感歲華薄綠漸銷吳女黛
輕紅忍對楚江花寒生古渡愁仙棹路隔明河夢斗槎
笛怨西風渾不免莫同商婦訴琵琶

穠春如夢不重歸吹絮簾櫳事又非絕代容華原濯濯
經霜態度尚依依文垂金縷蟲須篆波冷銀塘燕莫飛
猶有陶公三徑在不妨松菊共寒暄

暮色傷心水一灣可堪遠日復登山紫宮紈扇悲金殿

血緯吟

卷二

六

青冢蛾眉怨玉關楓落吳江那足道桂芳漢月定須攀
麻姑幸莫輕蒲柳黃竹青桑聊往還

題蘇若蘭璇璣圖後

蘇氏璇璣圖詩余昔於說郛中見之未嘗深留
意也歲癸未高氏妹以一冊見示圖五色爛然
如錦蓋其裔孫竇君某重刊於邇歲者反復展
玩悵然有感因題二絕句於後云

宛轉離鸞曲光芒吐鳳才效顰欲有作誰爲寄泉臺
千秋傳錦字百葉有孫枝不妨哀苦意并許後人知

血緯吟後言

余也東國窮嫠兼抱西河至痛身非草木情何以勝幸
慈姑在堂不敢作崩城之哭而苦緒縈懷何妨有擁鼻
之吟積之既久漸以成帙輕擲人間頗費紙價焉或曰
伊人也饑寒之不恤胡以詩爲又或曰其言淒慘是以
命不厚也噫凡此論也然耶否耶斯亦不足辯也近偶
得蘇夫人璇璣圖詩反復覽之不禁廢書而歎竊謂蘇
氏之才誠不易及而其命庸可擬乎今也天地無情我
曹獲罪蘭銷春圃藥化寒山雖使吟同屈宋巧奪天孫
又豈能邀青鳥以傳書起黃泉而命駕也哉因漫賦二
絕題於蘇氏璇璣圖後卽用以殿吾全稿自今而後悟
前非矣癸未季夏郝氏自誌

奉題

秋巖夫人恤緯吟後

有序

夫人郝氏濟南名家女也少承庭訓嫻詩禮適張子醒堂相夫子以道事姑以孝聞戚里賢之蓋非特其才之美已遭家不造遽殞所天子可觀余試童子時所拔士下帷攻苦遂以瘳終女子三從不獲一焉豈天之所以厄才人者厄夫人耶斯亦生民之至艱而荼毒之極哀也辛巳歲余罷任將歸夫人伯氏張君彤若以恤緯吟見示余悲夫人之志爲賦五言長律

恤緯吟

卷二

六

二十八韻以俟後之采風者云爾

前代言詩者才名蓋大東文章歸歷下壇坫嗣崆峒
寇開宗派

熙朝有正風名流何濟濟逝水太匆匆曠世如相感他
年莫比隆帶經新草長白雪舊樓空造物名偏忌詩人
遇必窮卽今論七子幾輩到三公識字原非福能吟轉
怕工閨闈何與爾困阨亦從同女史傳家學遺經淑厥
躬才華謝道韞孝行叔先雄六籍分源委三唐辨盛中
辭原黃絹好句合碧紗籠自我來山左求賢得仲弓

謂夫

人伯氏

形若 荆花兼棣萼蕙薄更蘭叢水折珠呈彩山輝玉

吐虹一編誰著作大義許厖洪逸矣篇追杜昭然管紀

彤依依憐弱質欸欸効微忠

前誦夫人碧梧軒吟稿有喜聞平定教匪五言律其

格不在

少陵下儉德桓家鹿高名廡下鴻神駒千里駿健翻丸

秋豐岑長方摧伯雲亭又天童我生胡至此其理竟難

通石破天奚補鵲啼血已紅新聲翻變徵切響托孤桐

意苦行無偶詞哀讀忍終詩成還擲筆搔首問蒼穹

歲次辛巳五月廿八日嘉定時銘拜手

恤緯吟

卷三

九

秋岩詩集跋
出其付郝風溟秋
詢詩樺氏及箕岩
和風因秋於李詩
為格以岩鄰明集
齋超示女邑府跋
東河間余史得宰
鏡名余之齊濟
亭語略詩東陽
先疊觀將張採

之忍詩於敵固主
說卒多中又家之
謂讀婉亦以學女
閨或擊不其淵郡
閭甄沈能所源庠
中豐痛自值亦登
以此令人故窮性之
中晉人不其鬱穎姊

者順之境多窮此大不然自古
知之窮者纍纍而人莫之
告知况婦人之心窮而無所
告訴者尤湮滅不可聞有
而於數千百人中間有
以見者則人皆扼腕

嘆息無可奈何而躡咎
於中以為有者多窮
嗚呼特以有而人知
其窮耳豈有中能使之
耶如秋岩女史者其
中與學尤不吝然好
窮尤為人所惜然好

善者為之刊其詩以傳
於後是亦可窮而終窮
也秋岩亦可自憫也

道先峯

曰文登李允升跋
五辛正月十有九

文苑詩集跋

三



每册 150

